



Mónica González Pavón, secretària generau deth Conselh Generau d'Aran,

CERTIFIQUI:

Qu'eth Conselh de Govèrn, en session extraordinària de 22 de deseme de 2025, adoptèt, entre d'auti, er acòrd següent e que transcrit literaument ditz:

"2au.- APROBACION, SE PROCEDÍS, DETH PLEC DE CLAUSULES ADMINISITRATIVES PARTICULARES, DER EXPEDIENT DE CONTRACTACION E DERA LICITACION DETH SERVICI D'ASSISTÈNCIA TECNICA ENTAD ESTUDI D'ALTERNATIVES E PROJÈCTE EXECUTIU D'UN HILAT DE CALOR E HEIRED DE 5AU GENERACION BASADA EN GEOTÈRMIA DAMB INTEGRACION D'AUTES HÒNTS RENOVABLES: PROJÈCTE VIELHA SMART MULTI-RES MICRO DHC GRID [INNOVACION].- (Exp. num. 3085-0007/2025)

Vista era memòria justificativa deth servici deth conselhèr de Gestion Ambientau, Transicion Energetica e Innovacion, Mgfc. Sr. Oriol Sala Sánchez ena quau se da compde deth besonh de realizar eth contracte deth servici d'"Assistència tecnica entad estudi d'alternatives e projècte executiu d'un hilat de calor e heired de 5au generacion basada en geotèrmia damb integracion d'autes hònts renovables: projècte Vielha Smart Multi-RES micro DHC grid", pes motius qu'ena madeisha s'i descriuen.

Vist eth Decret de Sindicatura num. 0676/2025 de 18 de deseme en que se demane informe per part dera Secretaria Generau e dera Intervencion de Hons.

Vist er informe favorable, damb observacions, de Secretaria.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar.

Visti eth Plec de clausules administratives particulars redactat e eth Plec de Prescripcions Tecnicas deth servici d'"Assistència tecnica entad estudi d'alternatives e projècte executiu d'un hilat de calor e heired de 5au generacion basada en geotèrmia damb integracion d'autes hònts renovables: projècte Vielha Smart Multi-RES micro DHC grid".

Cossent damb eth certificat favorable d'existència de crèdit adequat e sufisent dera Intervencion de Hons, eth finançament des òbres a contractar ei previst ena aplicacion pressupostària num. 2025/01.433.227.06 deth pressupòst generau vigent entar exercici 2025.

Cossent damb çò que dispausen es articles 17, 25, 28, 116, 117, 118.1, 122, 159 e Disposicion addicionau tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govèrn aprovar eth Plec de clausules administratives particulars, er expedient de contractacion atau coma era licitacion simultanèa des òbres nomentades, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [BOP de Lleida num. 159, de 19 d'agost de 2023 e DOGC num. 8980, de 16 d'agost de 2023].



Un còp sotmetuda era prepausa a votacion e debat, eth Conselh de Govèrn *acòrde per unanimitat* des quate (4) membres presents deth totau de quate que formen aguest organ collegiat:

Prumèr.- Aprovar iniciaument eth Plec de clausules administratives particulars e eth Plec de Prescripcions Techniques qu'a de regir era contractacion deth servici d' "*Assistència tecnica entad estudi d'alternatives e projècte executiu d'un hilat de calor e heired de 5au generacion basada en geotèrmia damb integracion d'autoes hònts renovables: projècte Vielha Smart Multi-RES micro DHC grid*", plects que s'adjunhen coma annèxe en expedient e que demorarà a disposicion des personas fisiques e/o juridiques interessades, atau coma era despena corresponenta ad aguesta contractacion per un pressupòst totau de ueitanta un mil euros (81.000,00 €) IVA includit, damb eth desglossament següent:

- Seishanta sies mil nau cents quaranta dus euros damb quinze centims (66.942,15 €), en concèpte de pressupòst net e,
- Catorze mil cinquanta sèt euros damb ueitanta cinc euros (14.057,85 €), en concèpte d'IVA ath 21%

Eth valor estimat deth contracte ei de 66.942,15 €.

Dusau.- Aprovar er expedient entara contractacion deth servici d' "*Assistència tecnica entad estudi d'alternatives e projècte executiu d'un hilat de calor e heired de 5au generacion basada en geotèrmia damb integracion d'autoes hònts renovables: projècte Vielha Smart Multi-RES micro DHC grid*", mejançant procediment dubèrt simplificat, damb tramitacion ordinària, cossent damb çò previst enes art. 28, 116, 117 e Disposicion adicionau tresau dera LCSP.

Tresau.- Dispausar era dubertura deth procediment dubèrt simplificat de contractacion, en tot procedir ara publicacion der anonci de licitacion en perfil deth contractant, en tot daurir en aguest moment eth tèrme de quinze (15) dies naturaus entara presentacion d'aufèrtes, cossent damb çò que dispausa er article 159.3 LCSP.

Quatau.- Facultar era Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors."

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aguest certificat d'orde e damb eth visteplatx dera Sindica.

Vielha, *signat electronicament*

Vist e platz
Era Sindica

Maria Vergés Pérez